




Broj: 01-50-1-15-40/16
Sarajevo, 29.12.2016.



ZAPISNIK
40. sjednice Predstavničkog doma
Parlamentarne skupštine Bosne i Hercegovine,
održane 29. 12. 2016.

PRIMLJENO: 19-01-2017			
Organizaciona jedinica	Klasifikaciona oznaka	Dnevni broj	Broj priloga

Sjednica je počela u 10,10 sati. Prisustvovala su 42 poslanika.¹

Sjednici su prisustvovali članovi Vijeća ministara BiH te predstavnici Ureda za reviziju institucija BiH.

Iz međunarodnih organizacija sjednicu su pratili predstavnici OSCE-a, a iz nevladinih organizacija prisustvovali su predstavnici CCI-ja i Transparency Internationala u BiH, te predstavnici britanske, hrvatske i američke ambasade u BiH. Sjednicu su pratili i predstavnici Saveza sindikata policijskih organa u BiH.

U vezi sa izmjenama i dopunama dnevnog reda sjednice, predsjedavajući je napomenuo sljedeće:

Na dnevni red dodata je:

Tačka 14. Prijedlog zaključka poslanika iz Kluba SDS-a: „Zadužuje se Vijeće ministara BiH da u roku od 30 dana u Parlamentarnu skupštinu BiH dostavi izmjene i dopune Krivičnog zakona BiH kojima se onemogućava ublažavanje kazne i zamjena kazne zatvora novčanom kaznom za krivična djela iz člana 162b. Krivičnog zakona, kao i za krivično djelo terorizma i druga krivična djela za koja Vijeće ministara procijeni da su posebno društveno opasna ili vrijeđaju dostojanstvo ličnosti i moral“, akt broj: 01-50-1-3208/16, od 23.12.2016.

S dnevnog reda, u skladu sa zahtjevom Ustavnopravne komisije, skinuta je:

Tačka 5. - Prijedlog zakona o dopuni Zakona o upravi Bosne i Hercegovine, predlagач: poslanik Damir Arnaut, zakon broj: 01-02-1-3044/16, od 2.12.2016. (prvo čitanje).

Nakon ovih napomena, predsjedavajući je otvorio raspravu o dnevnom redu sjednice.

¹ Nakon rasprave o dnevnom redu, a zbog neusvajanja njihovog prijedloga za dopunu dnevnog reda, sjednicu su napustili poslanici iz Kluba SNSD-a, ali su prisustvovali sjednici prilikom glasanja o tačkama dnevnog reda.

U raspravi su učestvovali: Damir Bećirović, Damir Arnaut, Staša Košarac, Denis Bećirović, Borislav Bojić, Milica Marković, Aleksandra Pandurević, Nikola Špirić, Mladen Bosić, Hanka Vajzović, Mirsad Donlagić, Nermina Kapetanović i Momčilo Novaković

Damir Bećirović predložio je dopunu dnevnog reda tačkom:

Informacija o sigurnosno-finansijskom aspektu organiziranja dočeka Nove 2017. godine na prostoru koji je u nadležnosti Parlamentarne skupštine BiH i drugih institucija BiH, akt broj: 01-50-1-3234/16, od 28.12.2016.

Staša Košarac je, u ime poslanika iz Kluba SNSD-a, predložio dopunu dnevnog reda tačkom koja glasi: Odluka o razrješenju poslanika Šefika Džaferovića dužnosti predsjedavajućeg Predstavničkog doma Parlamentarne skupštine BiH - člana Kolegija Predstavničkog doma.“

Denis Bećirović osvrnuo se na obavezu članova Kolegija Predstavničkog doma i Kolegija Doma naroda da po članu 172. Poslovnika Doma organiziraju zajedničku sjednicu oba doma PSBiH o temi: Poslanici/delegati pitaju - Vijeće ministara BiH odgovara, a što nije učinjeno u ovoj godini.

Drugi zamjenik predsjedavajućeg Mladen Bosić u okviru svoje diskusije dao je i objašnjenje zašto sjednica oba doma PSBiH nije organizirana.

Nakon rasprave, predsjedavajući je dao na glasanje dva prijedloga za dopunu dnevnog reda.

„Za“ prijedlog poslanika Damira Bećirovića za dopunu dnevnog reda glasalo je 15 poslanika (iz Federacije BiH devet, iz Republike Srpske šest), „protiv“ 13, a „suzdržanih“ je bilo osam. Predsjedavajući je konstatirao da **nema potrebne entitetske većine** i da će Kolegij Doma kao komisija obaviti naknadno usaglašavanje o ovom prijedlogu.

Prijedlog poslanika iz Kluba SNSD-a za dopunu dnevnog reda tačkom: Odluka o razrješenju poslanika Šefika Džaferovića dužnosti predsjedavajućeg Predstavničkog doma Parlamentarne skupštine BiH - člana Kolegija Predstavničkog doma **nije prihvaćen** – „za“ je glasalo šest poslanika (iz Republike Srpske), „protiv“ 26, a „suzdržana“ su bila četiri poslanika.

Nakon rasprave, predsjedavajući je konstatirao da 40. sjednica Predstavničkog doma ima sljedeći

DNEVNI RED

1. Usvajanje Zapisnika 39. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Prijedlog zakona o izmjeni Zakona o lijekovima i medicinskim sredstvima, predlagač: Vijeće ministara BiH, zakon broj: 01,02-02-1-2804/16, od 2.11.2016. (drugo čitanje);
4. Prijedlog zakona o izmjeni Zakona o plaćama i naknadama u institucijama Bosne i Hercegovine, predlagač: poslanik Šemsudin Mehmedović, zakon broj: 01-02-1-2610/16 od 10.10.2016. (prvo čitanje);

5. Izvještaj Evropske komisije o Bosni i Hercegovini za 2016., materijal broj: 01,02,03,08/11-05-1-2880/16 od 23.11.2016.;
6. Izvještaj o izvršenoj reviziji učinka o temi: Aktivnosti institucija BiH za provođenje zaštite i spašavanja za vrijeme prirodne ili druge nesreće, podnosilac: Ured za reviziju institucija BiH, broj: 01/4-16-1-2845/16, od 4.11.2016.;
7. Izvještaj o izvršenoj reviziji učinka o temi „Efikasnost sistema deminiranja u Bosni i Hercegovini, podnosilac: Ured za reviziju institucija BiH, broj: 01/4-16-1-2846/16, od 4.11.2016.;
8. Imenovanje članova Upravnog odbora Javnog radiotelevizijskog servisa Bosne i Hercegovine iz bošnjačkog hrvatskog i srpskog naroda (Rang-liste kandidata Regulatorne agencije za komunikacije BiH), materijal broj: 01,02-29-2889/16, od 11.11.2016.; - odgođeno izjašnjavanje na prošloj sjednici Doma;
9. Imenovanje tri člana iz Predstavničkog doma u Zajedničku komisiju oba doma za postizanje identičnog teksta Zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini (predlagač: Vijeće ministara BiH, broj: 01,02-02-1-33/15, od 25.1.2016.);
10. Razmatranje ostavke Žike Krunića na mjesto člana Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine, akt broj: 05/1,01,02-94-1-3136/16, od 14.12.2016. i Prijedlog odluke o razrješenju dužnosti člana Nezavisnog odbora kao nezavisnog tijela policijske strukture Bosne i Hercegovine, akt broj: 01,02-34-1-3136/16, od 20.12.2016.
11. Razmatranje ostavke Alme Čolo na mjesto članice Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina, ili drugi sud u skladu sa zakonom Bosne i Hercegovine, akt broj: 05/6-50-13-31-12-4/16, od 15.12.2016. i Prijedlog odluke o razrješenju člana Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina, ili drugi sud u skladu sa zakonom Bosne i Hercegovine, akt broj: 01,02-34-1-3084/16, od 20.12.2016.;
12. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje jednog člana Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud u skladu sa zakonom Bosne i Hercegovine, broj: 01,02-50-14-3180/16, od 20.12.2016.;
13. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje jednog člana Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine iz srpskog naroda, broj: 01,02-50-14-3181/16, od 20.12.2016.;

14. Prijedlog zaključka poslanika iz Kluba SDS-a: „Zadužuje se Vijeće ministara BiH da u roku od 30 dana u Parlamentarnu skupštinu BiH dostavi izmjene i dopune Krivičnog zakona BiH kojima se onemogućava ublažavanje kazne i zamjena kazne zatvora novčanom kaznom za krivična djela iz člana 162b. Krivičnog zakona, kao i za krivično djelo terorizma i druga krivična djela za koja Vijeće ministara procijeni da su posebno društveno opasna ili vrijeđaju dostojanstvo ličnosti i moral“, akt broj: 01-50-1-3208/16, od 23.12.2016.;
15. Davanje saglasnosti za ratifikaciju Memoranduma o razumijevanju za saudijski grant za izgradnju i opremanje Univerzitetske biblioteke u Sarajevu između Kraljevine Saudijske Arabije i Bosne i Hercegovine, broj: 01,02-05-2-3045/16, od 2.12.2016.;
16. Davanje saglasnosti za ratifikaciju Sporazuma o vojno–finansijskoj saradnji između Vijeća ministara Bosne i Hercegovine i Vlade Republike Turske i Provedbenog protokola u vezi s finansijskom pomoći između Vijeća ministara Bosne i Hercegovine i Vlade Republike Turske, broj: 01,02-05-2-3063/16, od 6.12.2016.;
17. Davanje saglasnosti za ratifikaciju Memoranduma o razumijevanju za izgradnju i opremanje istraživačkog instituta "Kralj Salman Bin Abdulaziz" na Univerzitetu "Sarajevska škola za nauku i tehnologiju" između Kraljevine Saudijske Arabije i Bosne i Hercegovine, broj: 01,02-05-2-3078/16, od 7.12.2016.;
18. Davanje saglasnosti za ratifikaciju Memoranduma o razumijevanju za saudijski grant za obnovu određenog broja kuća povratnika u Srebrenicu i projekat ekonomske podrške između Kraljevine Saudijske Arabije i Bosne i Hercegovine, broj: 01,02-05-2-3081/16, od 7.12.2016.;
19. Davanje saglasnosti za ratifikaciju Sporazuma o grantu EK IPA TF No.TF0A1998 (Projekat otpadnih voda u Sarajevu, rehabilitacija prečistača otpadnih voda u Butilama), broj: 01,02-05-2-3088/16 od 8.12.2016.;
20. Davanje saglasnosti za ratifikaciju Izmjena i dopuna Sporazuma o finansiranju za „Tehničku pomoć za farmu vjetra Vlašić – Travnik BiH“ zaključen između i od strane Bosne i Hercegovine, Evropske investicione banke i JP Elektroprivrede Bosne i Hercegovine d.d. Sarajevo, broj: 01,02-05-2-3089/16, od 8.12.2016.

Ad.1. Usvajanje Zapisnika 39. sjednice Predstavničkog doma Parlamentarne skupštine BiH

Nakon uvodnih napomena, predsjedavajući je otvorio raspravu. Nije bilo prijavljenih.

Zapisnik 39. sjednice usvojen je s 29 glasova „za“ (iz Federacije BiH 21, iz Republike Srpske osam), bez glasova „protiv“ i četiri glasa „suzdržan“.

Ad.2. Komentari na dobivene odgovore na poslanička pitanja

Predsjedavajući je podsjetio da su, u skladu s članom 170. Poslovnika, do ove sjednice Doma pitanja i inicijative u pisanoj formi postavili poslanici:

- **Mirsad Donlagić** – postavio pitanje ministru vanjskih poslova BiH, te urgenciju na već postavljeno pitanje ministrici odbrane BiH
- **Saša Magazinović** – postavio dopunsko pitanje Agenciji za rad i zapošljavanje BiH
- **Damir Arnaut** – postavio pitanja Ministarstvu vanjskih poslova BiH, Ministarstvu za ljudska prava i izbjeglice BiH i Instituciji ombudsmena za ljudska prava BiH

Sadržaj postavljenih pitanja i inicijativa je sljedeći:

Mirsad Donlagić

Pitanje postavljeno ministru vanjskih poslova BiH: „U jednoj političkoj emisiji na televiziji RTS gosti su bili Marko Đurić, srpski političar, direktor Vladine Kancelarije za Kosovo i Metohiju i potpredsjednik Srpske napredne stranke, potom visokopozicionirana zvaničnica dr. Sandra Rašković-Ivić i politički analitičar Janić. U spomenutom gostovanju Sandra Rašković-Ivić pitala je gosp. Đurića zašto se u svojim nastojanjima na Kosovu nije borio i da Republika Srpska dobije poštanski kod i broj. Na što nije reagirao gosp. Đurić. U istoj toj televizijskoj kući RTS1, u jutarnjem programu, neposredno nakon objavljivanja rezultata u SAD-u, novinarka – voditeljica tog jutarnjeg programa pitala je političkog komentatora kakve su njegove procjene i šta on misli da li će novoizabrani američki predsjednik Donald Trump vratiti Srbiji Kosovo i Republiku Srpsku. Ne želim da komentiram ova pitanja niti da tvrdim da su to zvanični politički stavovi, ali činjenica da se to ponavlja po mojoj evidenciji u dva navrata, a možda i češće i to uz prisustvo visokih zvaničnika najjače stranke u Srbiji i visoko pozicioniranih zvaničnika vlasti u Srbiji.

Želim da pitam Ministarstvo vanjskih poslova BiH, ministra Igora Crnatka da li zna za ova dva opisana slučaja, te da li namjerava pitati ministra vanjskih poslova Srbije gosp. Ivicu Dačića, koji je istovremeno i potpredsjednik Vlade, da li ova pitanja postavljena na ovakav način obilježavaju zvaničnu politiku Republike Srbije i da tim povodom zatraži da na zvaničnim državnim medijima, ako to nije izraz zvanične državne politike, spriječe ovakav način komunikacije kada je u pitanju BiH.“

Saša Magazinović

Dopuna poslaničkog pitanja Agenciji za rad i zapošljavanje: „Koliko zaposlenih po isteku programa poticaja zaposlenja ostaje na radnim mjestima i gdje su zaposleni po osnovu tih programa?“

Damir Arnaut

Ministrici za ljudska prava i izbjeglice BiH i Instituciji ombudsmena za ljudska prava BiH

„U vezi s Mišljenjem Komiteta za ljudska prava Ujedinjenih naroda (UNHRC) usvojenim u ukupno 11 predmeta prisilnih nestanaka (Priština i drugi 28.3.2013.), Rizvanović (21.3.2014.), Đurić (16.7.2014.), Selimović i drugi (17.7.2014.), Kožljak i Hero

(28.10.2014.), Hamulić i Ičić (30.3.2015.), Dovadžija (22.7.2015.), te Kadré i Mandić (od 5.11.2015.), molim da mi date odgovore na sljedeća pitanja:

1. Kada će u cijelosti biti provedena preporuka UNHRC-a iz ovih mišljenja da relevantni organi u Bosni i Hercegovini ukinu obavezu članova porodica da svoje nestale srodnike proglase mrtvim kako bi mogli koristiti socijalne naknade ili bilo koje druge oblike osštete?
2. Kada će biti provedene preporuke UNHRC-a o preduzimanju istrage o sudbini članova porodica nestalih lica, kao i krivičnog gonjenja odgovornih lica, a vezano za navedene primjere?
3. Kada će biti implementirani zahtjevi UNHRC-a iz svih 11 odluka da podnosiocima predavki pruži „efikasnu reparaciju“, uključujući osiguranje „adekvatne kompenzacije i odgovarajuće mjere satisfakcije“, odnosno odštetu u smislu konkretnog pravnog lijeka za ove konkretne podnosioc predavki koji pravni lijek je odlukama UNHRC naložen, a ne samo redovnu „novčanu potporu“ na mjesečnom nivou predviđenu Zakonom o nestalim licima BiH?
4. Da li je Bosna i Hercegovina ikada provela ijednu mjeru naloženu navedenim mišljenjima UNHRC-a, ako je autoritativnim tumačenjem obaveza Bosne i Hercegovine iz Međunarodnog pakta o građanskim i političkim pravima?
5. Da li je Ministarstvo razmatralo mogućnost uspostave posebnog mehanizma za koordinaciju provođenja Mišljenja UNHRC-a, ali i drugih međunarodnih tijela koja su nadležna za preispitivanje provođenja međunarodnih obaveza Bosne i Hercegovine, analogno postojećem ili u okviru postojećeg Ureda agenta Vijeća ministara BiH pred Evropskim sudom za ljudska prava?“

Ministru vanjskih poslova BiH: „Na moje ranije upućeno poslaničko pitanje o temi usvajanja pravilnika za ocjenjivanje rada ambasadora i drugih međunarodnih predstavnika BiH dostavili ste odgovor (akt VMBiH br. 05-50-I-1398/15, od 3.8.2015.) u kojem ste naveli sljedeće:

Polazeći od zakonskih odgovornosti i nadležnosti koje MVPBiH ima u postupcima imenovanja ambasadora i drugih međunarodnih predstavnika BiH, tadašnji ministar vanjskih poslova BiH Zlatko Lagumdžija ovakav pristup cijenio je neprimjerenim sa aspekta interesa i potrebe saradnje Predsjedništva BiH i MVPBiH u poslovima vanjske politike, te „Cijenimo da su izborom novog saziva Predsjedništva BiH i imenovanjem novog ministra vanjskih poslova BiH otklonjene personalne prepreke i stvoreni preduslovi da, u saradnji s uredima članova Predsjedništva BiH, MVPBiH na transparentan i kvalitetan način pripremi i donese navedene pravilnike“. S tim u vezi molim da mi dostavite konkretne odgovore na sljedeća pitanja:

1. Na koje konkretno personalne prepreke između bivšeg ministra i prošlog saziva Predsjedništva BiH ste mislili u svom gore citiranom odgovoru,
2. Da li iste ili slične prepreke postoje između aktuelnog ministra i ovog saziva Predsjedništva BiH, te
3. Ako ne postoje, da li i dalje „cijenite“ da postoje preduslovi da MVPBiH donese navedene pravilnike, a uzimajući u obzir da to niste uradili u protekle dvije godine (istra količina vremena koliko je bivši ministar imao da ih usvoji jer je obaveza nametnuta početkom 2013. godine)?“

Predsjedavajući je rekao da su do današnje sjednice dostavljeni sljedeći odgovori na poslanička pitanja:

- Na pitanje **Lazara Prodanovića**, postavljeno u usmenoj formi na 37. sjednici, Vijeće ministara BiH prosljedilo odgovor Ministarstva sigurnosti BiH
- Na dopunsko pitanje **Jasmina Emrića**, postavljeno na 38. sjednici, odgovor dostavila Uprava za indirektno oporezivanje BiH
- Na pitanja **Saše Magazinovića**, postavljena u pisanoj formi na 37. sjednici, odgovore dostavili Vijeće ministara BiH i Agencija za predškolsko, osnovno i srednje obrazovanje BiH i
- Na pitanje **Šemsudina Mehmedovića**, postavljeno u usmenoj formi na 37. sjednici, odgovor dostavilo Ministarstvo vanjske trgovine i ekonomskih odnosa BiH.

Dostavljeni odgovor komentirao je poslanik **Jasmin Emrić**.

Tokom sjednice pitanja i inicijative u pisanoj formi postavili su poslanici:

- **Amir Fazlić, Hazim Rančić, Safer Demirović, Mirsad Đonlagić, Denis Bećirović i Damir Bećirović** - uputili su inicijativu Vijeću ministara BiH i Ministarstvu komunikacija i prometa BiH,
- **Denis Bećirović** – uputio inicijativu Kolegiju Predstavničkog doma PSBiH
- **Senad Šepić** – uputio inicijative Vijeću ministara BiH i Federalnom ministarstvu obrazovanja i nauke, postavio četiri poslanička pitanja Vijeću ministara BiH i jedno pitanje Vladi Federacije BiH

Sadržaj postavljenih pitanja i inicijativa je sljedeći:

Amir Fazlić, Hazim Rančić, Safer Demirović, Mirsad Đonlagić, Denis Bećirović i Damir Bećirović

Inicijativa upućena Vijeću ministara BiH i Ministarstvu komunikacija i prometa BiH: „Države Bosna i Hercegovina i Srbija počele su s aktivnostima na izgradnji brze ceste Sarajevo-Beograd čiju izgradnju bi finansirali turski investitori. S obzirom na to da još nije definirana trasa kojom bi bila izgrađena brza cesta Sarajevo – Beograd, tražimo da ona prolazi kroz sjeveroistočnu Bosnu i Hercegovinu.“

Denis Bećirović

Inicijativa upućena Kolegiju Predstavničkog doma PSBiH: Zadužuje se Vijeće ministara BiH da, najkasnije u roku od šest mjeseci od dana usvajanja ove inicijative u Predstavničkom domu Parlamentarne skupštine BiH, sačini i u parlamentarnu proceduru dostavi strategiju prevencije masovnih zločina i genocida u Bosni i Hercegovini.“

Senad Šepić

Inicijativa upućena Vijeću ministara BiH: „Predlažem da Vijeće ministara BiH izradi uporednu analizu politike podrške razvoju poljoprivrede i poticajima u poljoprivredi u zemljama regiona.“

Inicijativa upućena Federalnom ministarstvu obrazovanja i nauke: „Inicijativa za osiguravanje sredstava u budžetu FBiH za 2017. godinu za projekat izgradnje osnovne škole u Cazinu.“

Pitanja postavljena Vijeću ministara BiH:

1. „Molim da mi dostavite informaciju koliko je učenika osnovnih i srednjih škola u BiH (prema kantonima / entitetima / Brčko Distriktu BiH) upisano u prvo polugodište školske 2015.-2016. godine? Također, molim za uporedne podatke u posljednjih pet godina, od 2010. godine.

2. Predlažem da Vijeće ministara BiH izradi akcioni plan za realizaciju zaključaka i preporuka za poboljšanje oblasti u BiH iz Izvještaja Evropske komisije o BiH za 2016. godinu.
3. Molim da mi dostavite podatke o broju zaposlenih u BiH prema mjesecima u 2016. godini, uporedo s prethodnim godinama 2012. – 2016. Također, molim da dostavite informaciju u kojim oblastima i sektorima je zabilježen najveći porast zaposlenosti, kao i pad zaposlenosti u 2015. i 2016. godini.
4. Koliki je procenat i površina na kraju 2016. godine miniranog prostora u BiH, koje regije su najviše pogođene i kakav je plan čišćenja i deminiranja u 2017. godini – prema regijama u BiH?“

Pitanje upućeno Vladi Federacije BiH: „Molim da mi dostavite informaciju o finansijskim ulaganjima s nivoa Federacije BiH u oblasti obrazovanja i podršci školskim objektima u 2015. i 2016. godini.“

Ad.3. Prijedlog zakona o izmjeni Zakona o lijekovima i medicinskim sredstvima, predlađač: Vijeće ministara BiH, zakon broj: 01,02-02-1-2804/16, od 2.11.2016. (drugo čitanje)

Predsjedavajući je dao uvodne napomene i otvorio raspravu o ovoj tački dnevnog reda. Poslanik Damir Arnaut upozorio je da obnovljeni amandmani poslanika Momčila Novakovića nisu uloženi u skladu s rokom propisanim Poslovnikom Predstavničkog doma.

„Za“ Prijedlog zakona glasala su 24 poslanika (iz Federacije BiH 23, iz Republike Srpske jedan), „protiv“ 12, a „suzdržano“ je bilo pet. Predsjedavajući je konstatirao da **nema potrebne entitetske većine** i da će Kolegij Doma kao komisija obaviti naknadno usaglašavanje o Prijedlogu zakona o izmjeni Zakona o lijekovima i medicinskim sredstvima.

Ad.4. Prijedlog zakona o izmjeni Zakona o plaćama i naknadama u institucijama Bosne i Hercegovine, predlađač: poslanik Šemsudin Mehmedović, zakon broj: 01-02-1-2610/16, od 10.10.2016. (prvo čitanje)

Predsjedavajući je dao uvodne napomene i otvorio raspravu o ovoj tački dnevnog reda. Diskutirao je Šemsudin Mehmedović.

„Za“ Prijedlog zakona glasalo je 29 poslanika (iz Federacije BiH 27, iz Republike Srpske dva), bez glasova „protiv“, a „suzdržanih“ je bilo šest. Predsjedavajući je konstatirao da **nema potrebne entitetske većine** i da će Kolegij Doma kao komisija obaviti naknadno usaglašavanje o Prijedlogu zakona o izmjeni Zakona o plaćama i naknadama u institucijama Bosne i Hercegovine.

Ad.5. Izvještaj Evropske komisije o Bosni i Hercegovini za 2016., materijal broj: 01,02,03,08/11-05-1-2880/16, od 23.11.2016.

Predsjedavajući je dao uvodne napomene i otvorio raspravu. U raspravi su učestvovali: Senad Šepić, Safer Demirović, Aleksandra Pandurević, Nermina Kapetanović, Nikola Lovrinović, Damir Arnaut, Denis Bećirović i Mirsad Đonlagić.

U raspravi zaključak je predložio Senad Šepić.

Dom je, s 29 glasova „za“ (iz Federacije BiH 21, iz Republike Srpske osam), bez glasova „protiv“ i šest glasova „suzdržan“, **usvojio** Izvještaj Evropske komisije o Bosni i Hercegovini za 2016. sa zaključcima iz Mišljenja Zajedničke komisije za evropske integracije. Usvojeni zaključci glase:

- 1. Predstavnički dom i Dom naroda Parlamentarne skupštine BiH traže od Vijeća ministara BiH i Direkcije za evropske integracije da što hitnije pristupe izradi akcionog plana za realizaciju prioriteta iz Izvještaja o Bosni i Hercegovini za 2016. godinu.*
- 2. Predstavnički dom i Dom naroda Parlamentarne skupštine BiH traže od Vijeća ministara BiH da kontinuirano izvještavaju domove Parlamentarne skupštine BiH u vezi sa ispunjavanjem obaveza iz Akcionog plana za realizaciju prioriteta iz Izvještaja o Bosni i Hercegovini za 2016. godinu.*

Prijedlog zaključka Senada Šepića **usvojen je** s 20 glasova „za“ (iz Federacije BiH 12, iz Republike Srpske osam), bez glasova „protiv“ i 15 glasova „suzdržan“. Zaključak glasi:

„Predstavnički dom PSBiH obavezuje Vijeće ministara BiH da izradi i u parlamentarnu proceduru dostavi Akcioni plan za realizaciju zaključaka i preporuka iz Izvještaja Evropske komisije o BiH za 2016. godinu. Rok za izradu je najduže 45 dana.

Ad. 6. Izvještaj o izvršenoj reviziji učinka o temi: Aktivnosti institucija BiH za provođenje zaštite i spašavanja za vrijeme prirodne ili druge nesreće, podnosilac: Ured za reviziju institucija BiH, broj: 01/4-16-1-2845/16, od 4.11.2016.

Nakon uvodnih napomena, otvorena je rasprava. U raspravi su učestvovali: Safer Demirović, Aleksandra Pandurević, Mirsad Đonlagić, Predrag Kožul, Hazim Rančić, Damir Bećirović i Salko Sokolović.

Dom je s 31 glasom „za“ (iz Federacije BiH 23, iz Republike Srpske osam), bez glasova „protiv“ i četiri glasa „suzdržan“, **usvojio** Izvještaj o izvršenoj reviziji učinka o temi: Aktivnosti institucija BiH za provođenje zaštite i spašavanja za vrijeme prirodne ili druge nesreće, sa zaključkom iz Mišljenja Komisije za finansije i budžet, koji glasi:

Predstavnički dom Parlamentarne skupštine BiH traži od Vijeća ministara BiH, Ministarstva sigurnosti BiH i Ministarstva odbrane BiH da u roku od 60 dana izvijeste Komisiju za finansije i budžet Predstavničkog doma o planiranim aktivnostima na realizaciji preporuka iz Izvještaja, a u roku od šest mjeseci o preduzetim aktivnostima na realizaciji preporuka, te da o preduzetim aktivnostima upoznaju Ured za reviziju institucija BiH.

Ad.7. Izvještaj o izvršenoj reviziji učinka o temi „Efikasnost sistema deminiranja u Bosni i Hercegovini, podnosilac: Ured za reviziju institucija BiH, broj: 01/4-16-1-2846/16, od 4.11.2016.

Nakon uvodnih napomena, predsjedavajući je otvorio raspravu. U raspravi su učestvovali: Safer Demirović, Senad Šepić i Mirsad Isaković

Domu se obratio zamjenik generalnog revizora u Uredu za reviziju institucija BiH Jasmin Pilica.

Zaključak u raspravi predložio je Senad Šepić.

Dom je, s 31 glasom „za“ (iz Federacije BiH 23, iz Republike Srpske osam), bez glasova „protiv“ i četiri glasa „suzdržan“, **usvojio** Izvještaj o izvršenoj reviziji učinka o temi „Efikasnost sistema deminiranja u Bosni i Hercegovini, sa zaključkom iz Mišljenja Komisije za finansije i budžet, koji glasi:

Predstavnički dom Parlamentarne skupštine BiH traži od Vijeća ministara BiH, Ministarstva civilnih poslova BiH, Komisije za deminiranje u BiH i Centra za uklanjanje mina u BiH da u roku od 60 dana izvijeste Komisiju za finansije i budžet Predstavničkog doma o planiranim aktivnostima na realizaciji preporuka iz Izvještaja, a u roku od šest mjeseci o preduzetim aktivnostima na realizaciji preporuka, te da o preduzetim aktivnostima upoznaju Ured za reviziju institucija BiH.

Predsjedavajući je dao na glasanje prijedlog zaključka Senada Šepića. „Za“ zaključak glasalo je 20 poslanika (iz Federacije BiH 17, iz Republike Srpske tri), četiri glasa „protiv“ i 11 glasova „suzdržan“. Prijedlog zaključka nije dobio potrebnu entitetsku većinu. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, s 20 glasova „za“, šest glasova „protiv“ (iz Republike Srpske) i devet glasova „suzdržan“, Dom je **usvojio** sljedeći zaključak:

„Predstavnički dom PSBiH obavezuje Vijeće ministara BiH da najkasnije u roku od 45 dana izradi i u parlamentarnu proceduru dostavi informaciju o stanju u oblasti deminiranja u BiH s komentarom i prijedlogom mjera za poboljšanje efikasnosti u ovoj oblasti.“

Ad.8. Imenovanje članova Upravnog odbora Javnog radio-televizijskog servisa Bosne i Hercegovine iz bošnjačkog, hrvatskog i srpskog naroda (Rang-liste kandidata Regulatorne agencije za komunikacije BiH, materijal broj: 01,02-29-2889/16, od 11.11.2016.) - odgođeno izjašnjavanje na prošloj sjednici Doma

Predsjedavajući je dao uvodne napomene i otvorio raspravu. U raspravi su učestvovali Sadik Ahmetović, Momčilo Novaković, Hanka Vajzović, Mirsad Mešić, Salko Sokolović, Denis Bećirović, Nikola Lovrinović i Damir Arnaut.

Nakon rasprave, predsjedavajući je dao na glasanje prijedlog da se u Upravni odbor Javnog radiotelevizijskog servisa Bosne i Hercegovine imenuju:

- iz bošnjačkog naroda **Mufid Memija,**

- iz hrvatskog naroda **Zoran Krešić** i
- iz srpskog naroda **Dejana Radovanović - Šarenac**.

Prijedlog je **usvojen** s 16 glasova „za“ (iz Federacije BiH 10, iz Republike Srpske šest), 11 „protiv“ i osam glasova „suzdržan“, te su **imenovani** članovi Upravnog odbora Javnog radio-televizijskog servisa BiH iz bošnjačkog, hrvatskog i srpskog naroda.

Ad.9. Imenovanje tri člana iz Predstavničkog doma u Zajedničku komisiju oba doma za postizanje identičnog teksta Zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini (predlagač: Vijeće ministara BiH, broj: 01,02-02-1-33/15, od 25.1.2016.)

Predsjedavajući je dao uvodne napomene i otvorio raspravu.

Dom je, s 24 glasa „za“ (iz Federacije BiH 17, iz Republike Srpske sedam), pet „protiv“ i šest glasova „suzdržan“, **imenovao**: Fehima Škaljića, Nikolu Lovrinovića i Momčila Novakovića u Zajedničku komisiju oba doma za postizanje identičnog teksta Zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini.

Ad.10. Razmatranje ostavke Žike Krunića na mjesto člana Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine, akt broj: 05/1,01,02-94-1-3136/16, od 14.12.2016. i Prijedloga odluke o razrješenju dužnosti člana Nezavisnog odbora kao nezavisnog tijela policijske strukture Bosne i Hercegovine, akt broj: 01,02-34-1-3136/16, od 20.12.2016.

Nakon uvodnih napomena, predsjedavajući je otvorio raspravu. U raspravi su učestvovali: Aleksandra Pandurević, Hazim Rančić, Damir Arnaut, Hanka Vajzović i Jasmin Emrić.

Dom je jednoglasno, s 35 glasova „za“ (iz Federacije BiH 27, iz Republike Srpske osam), **usvojio** Odluku o razrješenju Žike Krunića dužnosti člana Nezavisnog odbora kao nezavisnog tijela policijske strukture Bosne i Hercegovine.

Ad.11. Razmatranje ostavke Alme Čolo na mjesto članice Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina, ili drugi sud u skladu sa zakonom Bosne i Hercegovine, akt broj: 05/6-50-13-31-12-4/16, od 15.12.2016. i Prijedloga odluke o razrješenju člana Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina, ili drugi sud u skladu sa zakonom Bosne i Hercegovine, akt broj: 01,02-34-1-3084/16, od 20.12.2016.

Predsjedavajući je dao uvodne napomene i otvorio raspravu. Nije bilo prijavljenih.

Dom je jednoglasno, s 35 glasova „za“ (iz Federacije BiH 27, iz Republike Srpske osam), **usvojio** Odluku o razrješenju Alme Čolo dužnosti članice Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina, ili drugi sud u skladu sa zakonom Bosne i Hercegovine.

Ad.12. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje jednog člana Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud u skladu sa zakonom Bosne i Hercegovine, broj: 01,02-50-14-3180/16, od 20.12.2016.;

Predsjedavajući je dao uvodne napomene i otvorio raspravu. Nije bilo prijavljenih.

S 26 glasova „za“ (iz Federacije BiH 18, iz Republike Srpske osam), jednim „protiv“ i osam glasova „suzdržan“, Dom je **usvojio** Zaključak o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje jednog člana Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud u skladu sa zakonom Bosne i Hercegovine, te u Zajedničku komisiju **imenovao** poslanike: Sadika Ahmetovića, Predraga Kožula i Borislava Bojića.

Ad.13. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje jednog člana Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine iz srpskog naroda, broj: 01,02-50-14-3181/16, od 20.12.2016.

Predsjedavajući je dao uvodne napomene i otvorio raspravu. Nije bilo prijavljenih.

S 26 glasova „za“ (iz Federacije BiH 18, iz Republike Srpske osam), jednim „protiv“ i osam glasova „suzdržan“, Dom je **usvojio** Zaključak o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje jednog člana Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine iz srpskog naroda, te u Zajedničku komisiju **imenovao** poslanike: Hazima Rančića, Predraga Kožula i Aleksandru Pandurević.

Ad.14. Prijedlog zaključka poslanika iz Kluba SDS-a: „Zadužuje se Vijeće ministara BiH da u roku od 30 dana u Parlamentarnu skupštinu BiH dostavi izmjene i dopune Krivičnog zakona BiH kojima se onemogućava ublažavanje kazne i zamjena kazne

zatvora novčanom kaznom za krivična djela iz člana 162b. Krivičnog zakona, kao i za krivično djelo terorizma i druga krivična djela za koja Vijeće ministara BiH procijeni da su posebno društveno opasna ili da vrijeđaju dostojanstvo ličnosti i moral", akt broj: 01-50-1-3208/16, od 23.12.2016.

Predsjedavajući je dao uvodne napomene i otvorio raspravu. Diskutirala je Aleksandra Pandurević.

Dom je, s 31 glasom „za“ (iz Federacije BiH 124, iz Republike Srpske sedam), bez glasova „protiv“ i četiri glasa „suzdržan“, usvojio zaključak.

Prije prelaska na sljedeću tačku dnevnog reda, predsjedavajući je dao na glasanje prijedlog da se objedini rasprava o tačkama 15. - 20., jer je riječ o davanju saglasnosti za ratifikaciju memoranduma i sporazuma.

Dom je, s 27 glasova „za“ (iz Federacije BiH 19, iz Republike Srpske osam), deset „protiv“ i tri glasa „suzdržan“, **usvojio** ovaj prijedlog.

Ad. 15. - 20.

Predsjedavajući je dao uvodne napomene i otvorio raspravu. Nije bilo prijavljenih.


Dom je, s 30 glasova „za“ (iz Federacije BiH 22, iz Republike Srpske osam), šest „protiv“ i četiri glasa „suzdržan“, **dao saglasnost** za ratifikaciju:

- Memoranduma o razumijevanju za saudijski grant za izgradnju i opremanje Univerzitetske biblioteke u Sarajevu između Kraljevine Saudijske Arabije i Bosne i Hercegovine, broj: 01,02-05-2-3045/16,
- Sporazuma o vojno-finansijskoj saradnji između Vijeća ministara Bosne i Hercegovine i Vlade Republike Turske i Provedbenog protokola u vezi s finansijskom pomoći između Vijeća ministara Bosne i Hercegovine i Vlade Republike Turske, broj: 01,02-05-2-3063/16,
- Memoranduma o razumijevanju za izgradnju i opremanje istraživačkog instituta "Kralj Salman Bin Abdulaziz" na Univerzitetu "Sarajevska škola za nauku i tehnologiju" između Kraljevine Saudijske Arabije i Bosne i Hercegovine, broj: 01,02-05-2-3078/16, od 7.12.2016.;
- Memoranduma o razumijevanju za saudijski grant za obnovu određenog broja kuća povratnika u Srebrenicu i projekat ekonomske podrške između Kraljevine Saudijske Arabije i Bosne i Hercegovine, broj: 01,02-05-2-3081/16, od 7.12.2016.;
- Sporazuma o grantu EK IPA TF No.TF0A1998 (Projekat otpadnih voda u Sarajevu, rehabilitacija prečistača otpadnih voda u Butilama), broj: 01,02-05-2-3088/16, od 8.12.2016.;
- Izmjena i dopuna Sporazuma o finansiranju za „Tehničku pomoć za farmu vjetra Vlašić – Travnik BiH“ zaključen između i od strane Bosne i Hercegovine, Evropske investicione banke i JP Elektroprivrede Bosne i Hercegovine d.d. Sarajevo, broj: 01,02-05-2-3089/16, od 8.12.2016.

Sjednica je završena u 14,35 sati.

Sastavni dio Zapisnika je transkript 40. sjednice Predstavničkog doma.

SEKRETAR
PREDSTAVNIČKOG DOMA

Marin Vukoja


PREDSJEDAVAJUĆI
PREDSTAVNIČKOG DOMA

Šefik Džaferović

